

**Staðfesting forsetans** á skipulagsskrá fyrir umönnunar- og hjúkrunarheimilið Skjól að Laugarási í Reykjavík, útgefin á venjulegan hátt, að mandatum, af dómsmálaráðherra 11. júlí 1985. Skipulagsskráin er þannig:

## SKIPULAGSSKRÁ

fyrir umönnunar- og hjúkrunarheimilið Skjól að  
Laugarási í Reykjavík.

1. gr.

Neðanskráð félagasamtök og stofnanir stofna hér með **sjálfseignarstofnun** sem ber nafnið **SKJÓL**:

Alþýðusamband Íslands

Fulltrúaráð Sjómannadagsins í Reykjavík og Hafnarfirði

Reykjavíkurborg

Samband lífeyrisþega ríkis og bæja

Stéttarsamband bænda

Þjóðkirkjan

Eignir stofnunarinnar eru þau framlög í reiðufé eða öðrum verðmætum, sem berast og safnað verður til byggingar umönnunar- og hjúkrunarheimilis fyrir aldraða. Skuldir eru engar. Stofnendur bera engar fjárhagslegar skuldbindingar vegna sjálfseignarstofnunarinnar. Heimili og varnarþing er í Reykjavík.

2. gr.

Markmið og hlutverk stofnunarinnar er:

að reisa og reka heimili, er veiti öldruðum umönnun og hjúkrun. Markmiði þessu hyggst stofnunin ná með því

að afla fjár meðal einstaklinga, fyrirtækja, samtaka og stofnana,

að leita eftir framlagi úr hendi stjórnvalda, sbr. lög um málefni aldraðra (nr. 91/1983) svo og samkv. öðrum lagaákvæðum eða fyrirmælum opinberra stjórnvalda.

### Um fulltrúaráð:

3. gr.

Hver stofnandi velur 3 menn til 4 ára setu í fulltrúaráði, sem fer með stjórn stofnunarinnar.

Kjör fulltrúa skal fara fram á lögsmætum fundi aðila, enda sé kosninga getið í fundarboði. Kjósa skal tvo varamenn með sama hætti. Taki varamaður sæti aðalmanns á kjörtímabilinu skal velja mann í hans stað, þannig að hver aðili fulltrúaráðsins haldi jafnan fullri tölu aðal- og varamanna.

Fundi fulltrúaráðs skal boða með ábyrgðarbréfi, og með a. m. k. viku fyrirvara. Fundur er lögsmætur sé löglega til hans boðað.

4. gr.

Hlutverk fulltrúaráðsins er:

að fylgjast með rekstri stofnunarinnar og vera tengiliður milli stjórnar hennar og stofnendanna,

að kjósa stjórn og endurskoðendur stofnunarinnar,

að setja stofnuninni þær reglur sem nauðsyn krefur.

Til að sinna hlutverki sínu skal ráðið koma saman eigi sjaldnar en tvisvar á ári. Skal þá fara yfir skýrslur stjórnar og forstjóra um rekstur stofnunarinnar, fjárreiður og önnur þau atriði, er snerta rekstur hennar sem og önnur þau umsvif, sem nauðsynleg reynast. B 56

**Um stjórn:**

## 5. gr.

Stjórn stofnunarinnar skal skipuð 5 mönnum og jafnmörgum til vara. Ávallt skal boða varamenn til stjórnarfundar, og hafa þeir málfrelsi og tillögurétt.

Kjörtímabil stjórnar skal vera 4 ár.

Formann skal kjósa sérstaklega, enda er hann jafnframt formaður fulltrúaráðsins og boðar fundi þess.

Meðstjórnendur skal kjósa í einu lagi svo og varamenn.

Skylt er að kalla fulltrúaráðið til fundar ef tveir stofnendur óska þess eða endurskoðendur gera um það tillögu.

Á fyrsta fundi eftir stjórnarkjör skal skipta verkum meðal stjórnarmanna, þ.e. kjósa varaformann og í önnur embætti eftir því sem rétt þykir.

Forfallist formaður tekur varaformaður sæti hans.

## 6. gr.

Stjórn fulltrúaráðsins fer með fjármál stofnunarinnar og annast framkvæmdir hennar, ræður m.a. forstjóra, hjúkrunarforstjóra, lækni og annað starfsfólk eftir því sem henta þykir. Stjórnin ræður löggiltan endurskoðanda í samráði við kjörna endurskoðendur.

Árlega skal gera rekstrar- og efnahagsreikning stofnunarinnar sem kjörnir endurskoðendur skulu yfirfara og árita ásamt stjórninni. Þannig frágengnir skulu reikningarnir lagðir fyrir fulltrúaráðið til úrskurðar ásamt greinargerð hins löggilta endurskoðanda. Fulltrúaráðsmenn skulu kynna reikningana umbjóðendum sínum. Eintak reikninganna skal sent heilbrigðismálaráðuneytinu.

Stjórninni er óheimilt að binda eignir stofnunarinnar veðböndum eða skuldbindingum, sem eru óviðkomandi tilgangi hennar. Sömuleiðis er óheimilt að selja eða láta af hendi eignir stofnunarinnar hverju nafni sem nefnast, nema þeim verði varið til að halda áfram samskonar rekstri.

Stjórninni er skylt að ávaxta fjármuni stofnunarinnar á þann hagkvæmasta hátt sem býðst á hverjum tíma, enda sér ríkisábyrgð fyrir sparifé og/eða verðbréfum.

**Um vistun:**

## 7. gr.

Óski einhver aðili að tryggja vistrými fyrir aldraða félagana sína með því að greiða stofnkostnað slíks rýmis, skal stjórnin gera um það sérsamning við hlutaðeigandi aðila. Þeir einir skulu vistaðir sem uppfylla skilyrði laga og reglugerða um vistun.

Stjórn heimilisins ákveður vistun að fenginni umsögn forstjóra, læknis og hjúkrunarforstjóra.

**Starfsemi er hætt:**

## 8. gr.

Telji fulltrúaráðið sér ekki fært að annast rekstur heimilisins áfram, skal hverjum einstökum stofnaðila gefinn kostur á að taka við því og rekstri þess, enda verði hlutverk þess óbreytt.

Að þeim frágengnum fellur heimilið með öllum eignum þess til ríkisins með þeirri kvöð að það verði áfram rekið í þjónustu aldraðra.

## 9. gr.

Heimilt er að fjölga aðilum með samþykki allra stofnenda.

Hætti einhver aðili stofnunarinnar störfum fækkar fulltrúum í fulltrúaráðinu að réttri tiltölu.

**Breyting á skipulagsskrá:**

10. gr.

Skipulagsskrá þessari verður ekki breytt nema atkvæði allra fulltrúaráðsmanna falli á þann veg, enda hljóti breytingin staðfestingu réttbærra yfirvalda.

Þannig staðfestist á stofnfundi sjálfseignarstofnunarinnar 17. apríl 1985.

Nr. 288

**Staðfesting forsetans** á skipulagsskrá fyrir Landverndarsjóð Ferðafélags Íslands, útgefin á venjulegan hátt, að mandatum, af dómsmálaráðherra 10. júlí 1985.

Skipulagsskráin er þannig:

**SKIPULAGSSKRÁ****fyrir Landverndarsjóð Ferðafélags Íslands.**

1. gr.

Sjóðurinn heitir Landverndarsjóður Ferðafélags Íslands.

2. gr.

Tilgangur sjóðsins er að vernda og bæta gróður í nágrenni sæluhúsa Ferðafélags Íslands og fegra sæluhús þess.

3. gr.

Stofnfé sjóðsins er kr. 5000,00 sem aldrei má skerða.

4. gr.

Tekjur sjóðsins eru:

1. Minningargjafir, sem gefnar verða um látna félagi í Ferðafélagi Íslands.
2. Önnur framlög.
3. Vextir.

5. gr.

Sjóðurinn lýtur stjórn framkvæmdastjórnar Ferðafélagsins, sem ræður framlögum úr honum.

6. gr.

Ferðafélagið lætur prenta minningarkort, sem verða til sölu til ágóða fyrir sjóðinn.

7. gr.

Reikningar sjóðsins skulu endurskoðaðir af endurskoðendum Ferðafélags Íslands og birtir með ársreikningum Ferðafélags Íslands.

8. gr.

Leita skal staðfestingar forseta Íslands á skipulagsskrá þessari og hún síðan birt í B-deild Stjórnartíðinda.